

欽定石渠寶笈三編

欽定石渠寶笈三編

綺春園烟雨樓藏

皇上御筆

儼怠詩

己巳一冊

喜雨賦

辛未一冊

本朝臣工書畫

成親王書

御製喜雨賦 一冊

成親王書

御製化民成俗論 一軸

成親王書

御製倣急詩 一軸

黃鉞畫

御製喜雨賦意 一卷

集錦書畫

宋元寶繪 一冊

御筆倣急詩一冊

本幅仿金粟牋本。摺裝八幅。皆縱九寸。橫八寸。

御筆行楷書。並識。

倣急詩。渺躬沐。

考恩。兢業懷撫。字抱蜀。惟守成。整飭非生事。百工分職司。爰自國初置。敬慎斯展。猷玩愒。終貽累。喜市私惠多。悠忽至廢墜。大患伏。因循惕思。每心。

恃一人力幾何○或城資衆志○舊制本精詳鉅細
咸賅備庶官竭忠貞○億兆叨福庇○經邦等修身
養攝勿暴棄○小疾大病根○扁鵲漫施技○患成在
無形○疲玩禍叢積○為君固甚難○為臣亦不易一
德上下孚○泰交協○心意萬幾首○克勤力行則不
匱○任事用實心○盈庭少浮議○持躬處清堅○放眼
辨義利○勉圖寔寓綏○扞誠屏虛偽○居安莫忘危
昇平庶可致○保極凜

先言吟詩做有位

制設官分職大小相維自我國初創

人官物曲之宜高宗因時損益釐定憲章大而不

目從予一人至憲垂為不刊之典以羣萬年有道

前寧而致致求治之衷亦惟恪守陳力就列其議見

才賦亦較先進為遜若能勤思職業以盡當官

祖免於尸素乃委虛苟安不知奮勵於

累視為具文而宵小之譸張詐偽因緣為奸者

積弊滋深不可究詰即如近日天府帑藏敢有

之任不能遵守典章隨時剔弊遂至國家正供

所入轉為奸竇叢積之數迫一經發覺即申明

國法稔惡必誅究於事有何裨益况予上體好
生祥刑惻念設諸臣當森究嘗試之初即能覺
其弊實不難小懲大戒以遏其流何至釀成巨
案耶是以予疊疊敬勅無違作所深扣為君之
勸而不敢畏其難並望爾諸臣贊襄交勉無曠
厥官俾一切良法美意措正施行悉符舊
制以戒於泰平淳厚之休則余此
篇之作庶為轉移風俗之一助云


我國家典

常嚴肅制度精詳子孫蒙業而安不可稍有改
易亦不能度越前猷別有創造誠能實心實力
奉行毋懈則億載無疆兆民永賴矣奈今時內
外大小臣工實心體國者不可多得尸祿保位

者實繁有徒。疎縱因循。悠游怠忽。玩日愒時。總
以無事。搪塞國家政務。漠不相關。此忠實深此
病實大。予竭盡心力。挽回流俗。庶冀率由舊章。
昇平馴致。是予之願也。詩成併識。嘉慶己巳季
夏月中澣御筆。鈐寶二嘉慶御筆之寶。惟精惟

一

鑒藏寶璽寶笈三編石渠寶笈所藏



御筆喜雨賦 一冊

本幅素牋本摺裝十幅皆縱三寸五分橫七寸

御筆楷書

喜雨賦 欽承

天命嗣續

考基春夏之雨未沛乾坤之澤愆時麥已云枯僅止有五分之奏禾方待種勿再逾十日之期晝以

繼宵。每瞻雲而問夜。齊還接豫。屢心溯而神馳。
蓋九寓之本圖。惟藉有歲。矧兆姓之生計。曷可
無資。亦越。

常雩。未敷渥霈。及夫仲夏。益切釀脂躬祀。

三神壇。乏開先之誠敬。命隨二皇子。申啟後之恭
寅。

帝念好生。

天心默轉。雷雨昭蘇。早暘驅遠。沐一犁之微潤。蚓漸。

蟠泥兆盈尺之優霑。蟻知透蘇。祈康之願已伸。
報祀之儀宜展。虔舒誠悃。尚籲透滋禮歲。

西壇雲鋪北嶽喜甘雨之即施。聽殷雷之宏演。烟
景溟濛風威輕淺。豐澤降兮醇膏。培勢滂沱兮
聲喧。匝霧連山兮潑如墨。雲滿庭兮撥不開。階
跳珠而汎沫。林濯柳而潤槐。轉歎為豐。蕃茂之
時宣達。膏苗生穀。

上穹之德昭回。既足既優。深洽土壤。連宵連晝。淨滌

塵埃化育之機咸暢生物之德全恢荷近畿之
昔被顧遠甸而均該直省周咨封章考核萬幾
何暇祇萬姓衣食之籌量一夫無依是一人玩
惕之咎責雲興

東岱山左胥被甘膏

神降蒿高中州普霑靈液人和自名

太和下尺能生上尺數千里畎畝優滋賴時霖之
應夏未一旬黍禾浹發邀

鴻貺之如春。貴稼穡之為寶。賤珠玉之非珍。問問騰
歡云。遍國家表瑞斯。真農最要者。歲稔予最愛
者。年屯何修沐此。

帝恩何德。召此嘉澍。益兢業以為懷。勉敬勤之是務。
常守

先言。毋乖故步。治政最忌因循。威儀必歸尺度。詞藻
之事偶探。研鍊之才未具。用誌喜以同民。爰拈
毫而作賦。又為時雨之歌。曰。君心正兮政治宜。

時雨來兮沐

昊慈雨我公田兮遂及私生我百穀兮澤無涯嘉慶
辛未仲夏月之下澣御筆鈐寶四嘉慶嘉慶御
筆所寶惟賢

鑒藏寶璽寶笈三編石渠寶笈所藏

成親王書

御製喜雨賦 一冊

本幅高麗箋本摺裝二十幅皆縱一尺一寸
橫一尺三寸行楷書

御製喜雨賦

前已
恭載

款嘉慶十有六年歲次辛未仲

夏下澣

臣

永理奉

勅敬書鈐印二臣永理

鑒藏寶璽

五璽
全

寶笈三編嘉慶御覽之寶茂對時

育萬物

成親王書

御製化民成俗論 一軸

本幅灑金箋本縱七尺五寸橫四尺楷書

御製化民成俗論

學記曰君子如欲化民成俗其必由學乎旨哉
是言千古不磨之論也蓋人不學不知道道者
何天經地義日用倫常皆道也孝弟忠信禮義
廉恥國之四維民之大用也知者則為賢臣循

吏孝子良民不知者則為貪官汙吏逆子亂民
矣變化氣質養正毓德舍學無術也正學興則
邪說熄官常肅則庶民從今之大弊在正學式
微官常疲惰故邪說日熾蠱惑鄉愚頑俗固結
而不可解者總由於不學之人過多之故也人
性本善惟學能導其善漸仁摩義教孝教忠非
學不能明德也廢學則為冥頑之民不習正學
必流於邪教矣如水之就下不可遏禁終至泛

濫難止同歸於汙濁皆不學之害也學者知大義不學者圖小利而不顧大義犯上作亂之徒皆因利也利心起而義心失大害隨至尚不自知如飛蛾投火至燬不悟誠可憫也見利忘義皆不學之人也此類人多非國家之福也家有塾黨有庠州有序國有學不可廢而不設也不可設而不學也不可學而不思也設官講學明正教也教官之名豈空言哉天下未有不可化


之人未有不能辦之事所慮者官不盡職苟且
因循民不能化俗不能成坐視流於汙俗不肯
援救激成變亂惟用嚴刑峻法鍛鍊株連波累
無辜流離顛沛不教而殺謂之虐是可忍也孰
不可忍也三苗尚能感格況中土之人乎邪教
之本惟一利字利心深染正義全乖欲格其非
心必自正學始道德齊禮有恥且格是聖王之
全體大用不可不亟講也經正民興斯無邪慝

君臣各盡其道。士庶各修其業。形端表正。上行
下效。庶幾移風易俗。返樸還淳。洵由昌明正學
始也。甲戌季春。齋居事簡。偶讀學記。有會於心。
故申論焉。款臣永理敬書。鈐印二。臣永理。

鑒藏寶璽

全五璽

寶笈三編



成親王書

御製倣急詩 一軸

本幅宣紙本縱五尺九寸三分橫三尺四分

楷書

御製倣急詩

前已恭載款臣永理敬書鈐印二臣永理

鑒藏寶璽

五璽全

寶笈三編

[illegible]

黃錢畫

御製喜雨賦意 一卷

本幅紙本縱一尺一分橫七尺二寸設色畫

御製喜雨賦意并紀嘉慶十有六年五月二十二
日甘雨應祈

皇上報祀

三壇

駕回西苑

霓旌甫駐豐澍載酣沛灑逾時滲漉盈尺
天懷懌悅

御製喜雨賦一篇

宣示內廷諸王大臣蓋

誠求民瘼

念切田功

仁愛泳涵發為

睿藻非唐宋諸君即景摛詞僅侈麗則比也越日

名鉞摹寫

賦意繪為長卷並

命將諸臣應

制之作各錄於後藝林盛事曠古罕聞臣鉞既幸
以繪畫末技渲染

天文復得以巴里之辭綴名卷末不勝榮幸懼忝
之至臣黃鉞恭紀鈐印二臣鉞

後幅臣工恭賦

應

制喜雨賦

德有誠而必感。理緣敬而交孚。喜甘霖之霏霏。徵
醲化之涵濡。氣醞山川。萃百神而受職。膏均遠邇。
統九旬以臚愉。蓋

上帝以生物為心。

隆施罔靳維

聖人後天下而樂

鴻藻爰敷。當夫荷始浮池。梅將藻夏。占星而龍見。
方中觸石而燕飛。未下雖屢豐犖。錫久知比。
屋之餘糧而徂暑維炎。尤切大田之多稼。祝
降康于田畯。

念重辰居。穀掌故于祠官。

咨勤乙夜。爾乃

軒宮戰志。

堯棟齋心詣

西壇兮用享。就南兆兮時歆。

天門而

步禱。

率皇子以趨臨。

崇壇初躋。薦明禋兮成秩。

仙輶再莅。

抒默籲以彌欽。

厘艱食之羣黎。減糶而粒寧炊玉。

洽好生之大德。宥愆而竿更陳金。

昊春優隆醇膏布。獲時未越夫一旬。澤已占夫三度。
輕雷入夜。物並鼓於元音。甘醴連晨。人似邀
乎大醕。著采而紅。酣欲舞。珠拋。

溫室之枝。鋪光而翠。纖新成玉。湛。

甘泉之樹。則見夫蒼苔黏處。密篠敲餘。始傾階
而浙浙。旋潤土以徐徐。遠樹人家。塵洗魚鱗
之瓦。垂楊溪水。漲添龍骨之渠。望東菑而笠。

影紛來良耜有重蘇之樂瞻北嶽而嵐光猶
濕。釀波欣不盡之儲良由

誠至能通

惠孚自吉。禮行而嶽瀆趨班

詔下而風雷應律。牌臺測水計一尺以猶餘。置吏

飛章慰

九重之無逸。長養贊南訛之令利。普坤乾甘和銜
北闕之恩望。舒箕畢於是乎。星言更駕

天步重經。肅

中壇而申謝。展苾祀以維馨。

臨禹甸之三千。已先渥闡。

撫堯封之十二。普切求寧。即徵

岱頂雲飛。嘉穀並繁。乎阡陌更見。

嵩高泉噴。善禾遍沃。於畦町

皇上承

貺滋謙綏豐倍

敬增

祗果於

高穹

肅紹衣於

先聖風和雨潤總期

錫福乎黔黎雲爛星陳匪為摘華於歌咏從此卷

阿慶事泮奭

怡神願偕衡室歡聲賡賡紀

盛臣永璇鈐印二臣永璇敬書

聖君愛民則

天愛

聖君愛民之實惟

敬惟

勤疆理茹於稼穡雨暘揆於冬春循蜚而還厯萬

世堯舜之後祇

一人每歲

祈年。

躬親告虔。齋肅肅。燭蕭炎炎。藉春土之冒。擬撫
清剛之祚。芟陽官來而候月。協風至而犁烟。
馨聞兮

方社北至兮

郊夏未明兮升

壇。陳彝兮薦葷。靳游壤以育生。希運斗以宣化。必

盡心焉。凡以民也。惟六氣之伸絀。暫一雨之淹稽。

雖辛金之北水值午月之南箕滲漉乖於嘗
麥頽熒甚於傾葵賊雲霓而惚恍邈保介以
噫嘻維時我

皇省此下土

瞻仰

昊天曷惠其雨

法宮之中不遑寧處靡昕宵於

念茲咨友紀而

疇予三旬以來

帝曰欽哉觸隆曦而

御馬舍涼宇而

即齋

神壇

再詣而步闕

龍潭兩叩而登階其餘

深宮之

默禱。又無時而不皆乃

格

天心乃降甘霖。月之中澣。興雲布陰。乍霹靂以夜沃。
俄布濩以侵尋。初旋止而旋作。繼愈滋而愈
深。爾乃淒淒呈姿。祁祁獻潤。冷風無顛。輕雷
不震。林鳩自言。石燕如瞬。山翠忽來。溪聲徐
進。百工賀

感籲之誠

九重亶綏嘉之喜鑒

降康之律而酬作苦以樂只惟

皇天貺愛於

一人惟

聖君勤心於萬里爰

製賦而

命臣書沐榮忭而欽奉

旨臣永理鈴印二臣理

宸心繫乎田功。穡事祈乎稔泰。即今維夏之方臨。
尚覺其濛之少沛。民天惟重時深。

宵旰之憂。土脉待滋。殷企涔淋。為最敢陳詞於
崇壇。謹列粢盛。每

瞻念於珍禾。冀充倉廩。薦馨香於
壝埒。隨感斯通。荷眷佑於

神祇。隆施無外

德孚于

帝報

祀之禮初成康降自天應期之膏正歲信由夫
睿慮之恪忱遂得此商霖之霑霈維時也月離早
驗礎潤潛知密影疊羅識披衣之玉女先聲
振鐸辨動樹之風姨于是灌花細細灑路祁
祁挾有金蛇曳電車之熠若助茲玉虎送雷
鼓之殷其沃土趁舍和農皆臺笠芳郊欣帶
溢壠盡耘耔沆瀣瓊漿喜良苗之實發滲漈

靈液比仙露之濃垂

惠愷兮周乎萬物霖霖兮散以千絲九陌塵清已
解斯民之愠一犁澤溥共占曰肅之時又豈
待桑鳩之鳴喚石燕之差池也哉至於霏霏
低噴掠遠樹而蒼茫汎汎斜吹下高空而翕
習半篙紋縐綠添

太液之波百尺嵐開翠滴西山之汁樂無聲而
入夜曉看花塢新霑快驅喝以生涼靜愛

園林均及繁響侵於戶牖與蓮漏而丁東碎點
濺於簾櫳漬桃笙而濡濕氣瀟瀟兮非霧而
非烟勢聯綿兮不徐而不急頌

一人之有慶兆萬邦之屢豐靈靈既渥遐邇攸同
山左中州報澤之封章絡繹赤牋紫緌連疇
之生意精充此皆我

皇殫虔敬而召庥和博嘉徵於黃壤順陰陽而調
大化昭瑞應於

蒼穹者也謹拜手稽首而為之歌曰

聖人御宇四海清

天心豫悅三階平靈雨零兮當朱明千村萬井騰歡
聲老農齊叱烏犍耕炊黍饁餉瓦缶盛稼穡
作甘珠粒成蓋藏有備百室盈

恩波渙汗洽羣生巍巍

堯德洵難名卿雲之歌今載賡乾坤悠久豐祥呈

臣
綿恩鈴印二臣恩敬書
惟

聖王握璣衡調玉燭敦俗以農桑仁民以菽粟協
庥徵於箕範暘雨咸時頌介福於周詩倉箱
各足宜乎耕田鑿井安作息於羣黎固已擊
壤游衢播謳吟於九服方麥氣之迎秋正梅
炎之藻夏土膏勃發於苗畝草化豫資於禾
稼農需甘澍迓田祖以先祈

帝重

常雩命官人而夙駕乃風揚沙矣每驗侵晨而月離

畢兮。徒占向夜。畝看龜坼。桔槔頻響。溝塍屋
聽鳩呼。襤褸尚閉村舍。

皇上慮陰陽之愆伏。憫稼穡之艱難。具明廢寢。旻
晷忘餐。

德以召祥和。清理庶獄。

誠以務修省。交儆百官。聆

辰告之吁咨。嘗厯六事。仰

寅衷之齋祓。特籲

三壇惟

聖格

天惟

天眷

聖如索齋之應機勝置郵而傳命乍零霰霰破塊
旋融頓洗塵氛濯枝俱淨民喜嘆乾得潤已
勝一溉之功

上謂枯槁纔蘇未遂百昌之性雖有感而必應宜

答

神麻仍以報而為祈益攄

至敬俄焉金蛇掣電雌霓形銷石燕翔風雄雷聲
迸雲鋪靉靄影潑墨而逾濃雨集滂沱勢翻
盆而轉盛計候則從宵繼晝迴殊分寸之資
滋生則自葉流根適合長贏之令已稔黃圖
密過歡溢三農惟願赤縣迢遙惠均兆姓信
元功之不宰荷

昊貺之無私凡在版章所隸寧因疆界而歧究居泰
岱東西崇朝已徧豫控大河南北闔境咸施
自兩省以憂旱聞

披章念切今一時以得雨報

覽奏情怡問下隲與高原總欣沃沃傳市歌而野
忭同詠祁祁人卜康年定符斗酒豚蹄之祝
史書瑞事不數醴泉膏露之奇蓋惟

治勅萬幾

躬負百度求民之莫

宵旰無忘率

祖攸行

羹牆永慕方渴期於解澤早契

天心逮虔禱以升香屢勤

帝步所由千里內外暢沐時霖旬日後先普霑嘉

澍既優既渥允彰五福之符多黍多稌長祐

萬年之祚敬瞻

睿製聿偕倬漢以為章謹綴蕪詞竊愧凌雲之能
賦臣綿億鈐印二臣綿億敬書 徵從德協
澤與祥符惟

宸衷之感召乃嘉澍之涵濡隨

寅祈而疊沛偕

巽命以洪敷萬畝凝膏送歡聲於綠野千峯積露
匝喜氣於黃圖歲紀重光月逢夏五絲當暑
以溯春阻飛霏而罕雨欣潤葉之偶霑熈濯

枝之未普。雲頭飲彩。俄停石燕之飛。月額占
陰頻盼商羊之舞。

帝乃調玉燭。察璣衡。

軫民依於五夜。卜瑞應於三庚。

禱龍潭之解澤。邀

鴻貺以豐亨。粵顧

天神尊越

三壇之禮

躬親夙駕

虔申再莅之誠

燾育為懷仰

聖人之宰化昭蘇有象欽

昊眷之好生爾乃職效畢師扇停箕伯散彼赫曦注

茲靈液氣滙滄於林梢聲喧阗於檐隙洗綺

陌之軟紅瀉銀河之淺碧豈特雲霓慰望歡

洽崇朝最宜禾穎頻榮甘流竟夕用

報祀於

崇墻更溥霑乎大宅是日也乍迴

清蹕重遇甘霖涼迎

仙仗潤浥遙岑荷喧洺馥柳濕隄陰舒沆瀣於四

溟齊豫之膏悉衍灑醍醐於萬彙京圻之澤

彌深畀閭閻之吉兆答

宵旰之

皇心良由熙績允釐

穹慈默佑振太倉之粟四鬴仍充省園土之刑三朝
展宥陋隨車之徵效於漢臣邁結亭之誇奇
於蘇守識轉歉而咸豐信知時以應候
睟容有穆

宸藻爰摛當和甘之共挹益

勤敬之自持

省歲而雨暘作乂

茂對亦品物咸滋微臣則擊壤臚歡竊附林鳩之

拙。矢音志喜愧同蟻穴之卑謹拜手稽首而
獻頌曰薰被歌風瑞洪

調幕涯澤滂沱

至誠溥博羣祀薦馨

嘉壇展恪砌焚滋含衢尊擬酌九寓綏豐三農與
作協氣交流忭忱攸託臣董誥鈐印二臣誥
惟民望歲惟

帝格

天

塵宵旰以靡釋因雨暘之偶愆

心凝承而盼澤

躬齋遯以

祈年已過

常雲九野佇甘霖之沛

特頒溫綽

三壇申昭事之虔時也月畢輶輝風箕秉令石燕

遲飛火烏高映樹雞竿以

省刑

額

龍潭而攄敬還

默禱於九重冀

降康於萬姓○眷茅檐而壽民隱

念切年登

勤鑒輅而迓

天祿候交夏盛。於是太常夙戒。

彩仗晨馳。龍輦七校。駕載百司。薰風被乎瑤軫。
湛露浥乎華芝。瞻鑪烟以就列。奉

祝版而陳辭。

帝容則玉粹金和。式憑黃幄。

天步則雲蒸霞蔚。肅叩

丹墀。俄而爽挹青雯。潤含紫陌。涼液飄晨。濃陰曠
夕。低承出水之禾。暗長連塍之麥。苑花燦以

舒紅隄柳。萋其凝碧。期依十日。允符

盛世之祥。望慰三農已沐。

彌天之澤。迺

聖心猶以陽威久熾。膏靈未酣。睠千畝之待沃。思
八紘之徧涵。憫鬱蒸之增劇。儆清晏之暫耽。
傳

警蹕而

即齋宮。重陳鷺翽。

勅乾行而

申巽命再整鸞勝。則見夫電光鏡流。雲氣峯吐。殷
雷厲空。涼颼拂戶。炎歊散而黑蛟騰。陰諧集
而商羊舞。洗六合以塵清。不崇朝而澤普。千
畝既淇。園之竹。愠解汴梁。九天垂泰岱之雲。
穰占齊魯。此蓋慈膺。

昊眷誠感

躬祈爰詣

神壇而肅謝。又邀澍雨之紛霏。蘇息已周乎繡野。
和甘復薦夫金鞮清響。答琤琤之珮微涼。霑
侍從之衣。聽擊壤之歡騰。

皇程歸緩。覽隨車之膏浹。

天貺逢稀。是用

宸襟載愉。

奎藻遡布。喜瑞應之頻仍。

製瑤華以宣付。遠邁殷宗霖雨之詞。上躋虞帝卿

雲之句小臣幸際

昌期渥蒙

恩遇慚螭蝻之何知效雕蟲而奏賦臣英和鈐印

二臣英和敬書

省歲兮惟欽

元貺兮孚忱陰陽兮六氣天人兮一心驗鼎然於庶

彙徵肅若於時霖貯寶甕而漿滿沃天瓢而

液斟叶

皇春之酥燭潤

帝夏之薰琴曰雨而雨兮匪今斯今歲紀金穰時
交土溽秋稼未興春膏纔足散小旱於俊風
蕩穉陰以晴旭農占月額之逾

帝曉天紳之續星橋五夜靜縷民依雲牖三霄高
凝

宸矚結壇而祇宇霏煙

紆仗則靈湫鏡渌齋房寅秩懷濡昭

靜蹕之儀

閤墮申虔般齋叶迎神之曲

一人薦馨百神効靈義叔掩晷豐隆鼓霆箕伯戢
而晨靜萍翳號而晝冥族雲彭濤以連嶽澍
雨滲灘以接溟透莎根之蟻垤漏樹頂之魚
星煙沈野綠霧洗天青已滿魯恭之缶堪名
蘇軾之亭

祈謝同誠

肝宵無逸。芳奠展禋。紺筵襲吉。竚八埜之透滋通。
九霄於呼吸。山容罨其乍陰。水氣醴以交集。

翠蓋轉而靈澤飛。

青壇濡而燎烟畢。涼飄銀竹。雲歌風管之聲潤挹。
珠塵繡陌。銅街之色翻盆清曉。何須到鼓一
中。垂綆長空。詎待請天三日淋淋浪浪浩浩。
洋洋轉廉纖而澎湃。間修蜺以溯滂。迸千林
之滃鬱。殷萬鼓之雷礧。驅黑蛟於大澤。掛白

龍於高閣捲春江以入戶。挾旋風以滿堂。濺
玉則溝坑俱溢。跳珠則斗斛寧量。雲漬而金
蛇更掣。飈迴而石燕猶翔。絢時葩而榴艷熟。
俊果而梅黃。棗園發清璣之采。瓜畦爛文貝
之光。連郊爽氣接苑清香。階深竹翠。人健松
涼。溽暑一清。農歌四起。作息軒輶。唱于宮徵
酌

堯樽於壤。衢慶

禹糧之億秭。稻則浹日翻形。黍則芳花當齒。一莖
之穗分根。九期之禾連理。朝漱潤於瓊田。夕
流甘於金粳。聽鳩上隴。深樹炊烟。驅犢平岡。
夕陽流水。鱗鋪藻野之蓁。雞卜黃圖之祉。崇

朝

望。愜雲飛而

雲藻俱飛。匝宇

思釀。

天喜而

天顏有喜。蓋惟

聖天子紹

馨業法

大圓戴翼翼懋乾乾。溉寰區之福壤。散太極之神泉。
敷區導其津潤。

亭藟消其伏愆。周鴈戶兮太倉。振植雞竿兮園土。
蠲祥和兮轉化。

精禋兮回

天應

調幕兮暘雨資播琴兮陌阡况

嵩

岱兮助順渥齊豫兮表延

澤施兮養民

福錫兮康年孰不訢訢然游原而泳沫兮欽

聖德之暢坂而滌埏

臣

趙秉冲鈴印二臣秉冲

帝德潤物人和格

天協氣旁應甘霖載宣秉一誠以相感秩四序而無
愆偶當維夏炎歊

虔同商禱獲沛如春膏澤

喜入虞絃蓋自時玉未霏密雲輕袞無西畢之滂
沱有南威之赫奕眷言春及之農甫刈秋先
之麥

懷殷民麗朝暇食而不遑

念切田功宵求衣而莫釋用憬然於
在宥之傷而不憚為

省躬之責也於是張羅

惠洽發粟

恩覃禮官典備

殷薦儀諧

成憲式遵朔寅承於一昔

靈壇親籲肅申禱於再三將驗禎符於蟻穴還勤

法駕於

龍潭

願吾民阜財。待譜南薰之奏。惟我

皇敬德。彌塵東谷之滄。遂乃薄靄升和。颺扇竿轉

銅烏。巖翔石燕。絲輕始飄。珠小還滅。是江南

梅子黃時。恰籬落豆花香遍。瞻來蒲綠千條

細灑芳田。撲盡塵紅萬頃。徐周繡句。霧縠猶

濕。風澹不飛。沙中句而有應。覘下尺其尚微

倍

齋心於

閼殿同驤首於

宸扉在祭不黷以報為祈香炷初升

意實為民而請

鑒與甫動

道乃先

天不違時則

蹕返郊坰。候移晷刻。極目烟青。當頭雲黑。激松
吹而成飈。蔭芝旂而一色。洗原隰之龍鱗。灑
薨標之鳳翼。歡生

日角。零從尺五之天。喜送星郵。潤遍方千之國人。
或歸之神功。臣深知夫

帝力我

皇上丹毫珠粲。綠字瓊敷。流沆瀣。染醍醐。筆參

大造。範於元模。

念增惕若。

文成郁乎。珠玉隨風落九霄。而為瑞烟雲在手。潤

萬物。而其蘇猶復

執離衡。

頒異命。宥過省刑。

錫福行慶。澹民生疵癘之災。順陰陽愆伏之性。

調玉燭以和四時。

握璿璣以齊七政。小臣沐

膏知勤歌卿繼詠誠見夫仁民者

天動

天者

聖于胥樂兮萬斯年。

皇作所兮無不敬。

臣桂芳鈐印二臣桂芳印朝朝

染翰我

皇上吉因敬勝福為德基

塵農桑之盛務

徵肅乂之若時。

鑾輅春巡。每依旬而灑道。

御園夏莅。偶一雨之愆期。防逸圖豐。亟

心齋而步禱。津莖潤葉。旋電發而風馳。固已渥川

原而豐洽。亦羣欣禾黍之深資。迺

三壇報祀。方竣天瓢。傾倒而

萬乘輶輦。甫駐。露車載脂。蓋

至誠感神。天人交應。為民請

命夙夜惟寅者也爾其岫掩煙凝波淪風轉魚吼欲
飛鸛鳴誰遣路淨無塵樹濃于鮮豐隆之石
鼓徐擷列缺之旗幡乍展似破僧繚之畫壁
龍起沉淵如翻王洽之墨池雲騰疊嶽灑
霓旌而忍濕故緩須臾拂

翠罕而微飄幾經涵演忽占盈缶點笠影而鼓
斜遽爾翻盆失池痕之清淺於是潛消鬱燠
遍沐滋培跳明珠兮的皪打新荷兮喧飀秋

禾怒發夏卉全開青濯龍津之柳翠添馳道
之槐神物為霖慰

宸衷之望切農夫趨澤如大地之春回高閣涼生
和蓮華之玉漏飛簷淙溜淨蓬島之珠埃曰
雨而雨恢台益恢迨畿輔之黍苗已膏而齊
豫之豐澤兼該是蓋

勞勛勤加

義精仁核

潔誠自處抱蜀而率道不言

普記無私執契而於人何責天瑞地應既疊致其
嘉祥時和年豐又重沐茲甘液行見旅生之
穀斗米三錢合穎之禾一莖數尺是以歡聲
振野喜氣如春儼天倉之傾墮顧圭璧以何
珍蓑袂笠簷任淋漓其何恤男耕婦饁樂笑
語之皆真厥壤可游快速通而布獲三登頻
上沐雷雨之亨屯

皇上念彼田功。賞茲嘉澍。

謂時雨為力。田之逢年。

謂重農乃勤政之先務。是以再造。

崇趙頻紆。

天步行順。八風動符。五度本。

誠敬以摛詞。匪麗則之徒具。暖乎以潤萬物。笑宋。

守之名亭。渙乎而濟蒼生。陋唐宗之作賦。臣

請載賡而為喜雨之歌。歌曰。

德勤

天鑒兮。民人是宜。浸仁沐義兮。曰儉曰慈。

恩覃九有兮。奉三無私。百穀用成兮。其樂無涯。臣

黃鉞恭和

御製元韻鈴印二臣鉞

鑒藏寶璽
五璽寶笈三編

宋元寶繪一冊

本幅十二對幅右絹本團扇式設色畫一縱

七寸二分橫七寸五分

後五幅同

籤題宋人畫春

塢尋芳二籤題宋人畫蘆洲漁樂三籤題宋

人畫山村夏雨四籤題宋人畫溪釣觀雲五

籤題宋人畫碧陰垂釣六籤題宋人畫蓮塘

泛艇七縱六寸八分橫七寸籤題元人畫雙

峯古寺八縱七寸八分橫五寸九分籤題元

人畫荷漱橫橋九縱七寸二分橫七寸五分
籤題元人畫柳汀放櫂十縱七寸九分橫六
寸籤題元人畫竹嶼聽泉十一縱七寸二分
橫七寸五分後一籤題元人畫扶筇對瀑十
二籤題元人畫倚杖看山俱無款印左紙本
縱橫同右楷書分錄

御製詩

御題春塢尋芳

春色盈溪塢探尋到水涯烟縈

數枝柳。寒勒幾分花。籬映虛嵐遠。橋臨斷岸斜。
柔條舒灼灼。芳信卜非賒。
款臣周系英奉
勅敬書。鈐印二臣英。

御題蘆洲漁樂。生涯在澤國。家室一扁舟。漁樂
烟波際。萍蹤雲水浮。遨遊傍葦岸。飄泊近蘆洲。
寄跡心無繫。何曾緣木求。
款印同前。

御題山村夏雨。烟凝遠渚暗。恍聽響喧。雨脚
垂相續。雲容撥不開。排空暢滂沛。匝地遍栽培。

決洽生羣壘。為霖渥澤恢。
款印同前。

御題溪釣觀雲。
秀蘊奇峯表。靈鍾觸石生。漾溪

繞漠漠。吐岫結英英。雲以無心出。人原信步行。
妙觀相印合。佳境本天成。
款臣王以銜奉

勅敬書。鈐印二臣王以銜敬書

御題碧陰垂釣。
深根結岸角。宛轉出波心。把釣

依蒼幹。觀瀾坐碧陰。枝高敷密蔭。波瀾映遙潯。
濠濮多生趣。欣從物外尋。
款印同前

御題蓮塘泛艇。十畝蓮香遠。紛敷繪錦塘。朱華
燦清浪。翠蓋晃朝陽。斷岸千絲漾。澄波一葦航。
邀遊伴。君子宛在水中央。款印同前。

御題雙峯古寺。古寺不知處。如聞雲外鐘。深林

通一徑。晴宇峙雙峯。峭拔凌霞表。清幽遠世蹤。

紅塵豈沾染。天籟漾喬松。款。臣席煜奉

勅敬書。鈐印二。臣煜。

御題荷池橫橋。新荷出淥水。芳池一橋連。橫浦

皆朱萼憑欄對碧川。艷舒甘雨後，香送晚風前。
嵐影印波際，千枝映錦漣。
款印同前

御題柳汀放櫂。極浦連天淨，清陰羃柳汀。波平

宜放櫂，渚近漫揚舲。烟斂一川碧，枝垂萬線青。

嵐光遠，牽繫雲外入空冥。
款印同前

御題竹嶼聽泉。迴溪繞幽嶼，選石坐安便。愛此

蒼筤竹，欣聽淅瀝泉。浮筠印水面，靜籟出崖邊。

領會雙清妙，心神益泰然。
款 臣姚元之奉

勅敬書。鈐印二臣姚元之敬書。

御題扶筇對瀑。奇境鍾靈秀山川。結構雄危峯
凌峻極。飛瀑漾高空。玉練懸雲白。晶簾映日紅。
攜童暢臨眺。蓬閣在寰中。款印同前。

御題倚杖看山。青崖臨斷岸。黛染密林端。人倚
孤筇立。山如古畫看。峯頭籠碧樹。雲外點蒼巒。
妙繪傳佳致。清華蘊素紈。款印同前。

鑒藏寶璽

五璽

寶笈三編

